



Broj: 15-03-16-5-16-63/25
Datum: 2.9.2025. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 100. stav (4) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), rješavajući po žalbi Grupe ponuđača Cetus d.d. Celje, R. Slovenija i Decom d.o.o. Sarajevo, BiH, od 27.8.2025. godine, direktor Agencije za identifikacione dokumente, evidenciju i razmjenu podataka Bosne i Hercegovine d o n o s i

RJEŠENJE

- (1) Usvaja se žalba Grupe ponuđača Cetus d.d. Celje, R. Slovenija i Decom d.o.o. Sarajevo, BiH, od 27.8.2025. godine, izjavljena na Odluku o poništenju postupka javne nabavke unutrašnjih i spoljnih stikera, broj 15-03-16-5-16-59/25 od 18.8.2025. godine, u postupku javne nabavke za koje je na Portalu javnih nabavki BiH objavljeno Obavještenje o nabavci broj 1110-1-1-29-3-73/25 od 9.6.2025. godine, kao osnovana.
- (2) Stavlja se van snage Odluka o poništenju postupka javne nabavke unutrašnjih i spoljnih stikera, broj 15-03-16-5-16-59/25 od 18.8.2025. godine.
- (3) Donosi se odluka o izboru Grupe ponuđača Cetus d.d. Celje, R. Slovenija i Decom d.o.o. Sarajevo, BiH za najpovoljnijeg ponuđača u postupku javne nabavke unutrašnjih i spoljnih stikera objavljen na *web* Portalu javnih nabavki Bosne i Hercegovine, Obavještenje o nabavci, broj 1110-1-1-29-3-73/25 od 9.6.2025. godine, a koji je proveden otvorenim postupkom.
- (4) Ovo rješenje se objavljuje na *web* stranici Agencije u okviru podmenija odluke o poništenju i podmenija odluke o izboru najpovoljnijeg ponuđača, te stupa na snagu po donošenju.

Образложење

Agencija za identifikacione dokumente, evidenciju i razmjenu podataka Bosne i Hercegovine (u daljem tekstu: ugovorni organ) je u otvorenom postupku javne nabavke unutrašnjih i spoljnih stikera, za koji je objavljeno na Portalu javnih nabavki BiH objavljeno Obavještenje o nabavci broj 1110-1-1-29-3-73/25 od 9.6.2025. godine, donijela dana 30.7.2025. godine Odluku o izboru najpovoljnijeg ponuđača, broj 15-03-16-5-52/25. Ovom odlukom je Grupa ponuđača Cetus d.d. Celje, R. Slovenija i Decom d.o.o. Sarajevo, BiH izabrana za najpovoljnijeg ponuđača u postupku javne nabavke.

Navedenoj grupi ponuđača je dana 31.7.2025. godine upućeno Obavještenje o rezultatima postupka, broj 15-03-16-5-53/25 od 30.7.2025. godine, kojim je od Grupe ponuđača zahtijevano da, kao izabrani ponuđač, dostavi dokumentaciju u vezi člana 45. Zakona o javnim nabavkama u originalu ili ovjerenim kopijama za člana Grupe Decom d.o.o. Sarajevo u roku od pet dana od dana zaprimanja Obavještenja.

Obavještenje je upućeno i dostavljeno dana 31.7.2025. godine putem faksa, koji je u popunjenom Aneksu 2. – Obrasca ponude naveden od strane izabrane grupe ponuđača za kontakt broj faksa.

Kako u skladu sa Tenderskom dokumentacijom ugovorni organ u traženom roku od pet dana od isporučenog obavještenja nije zaprimio traženu dokumentaciju od izabranog ponuđača, a imajući u vidu da se drugi ponuđač u postupku nije u žalbenom roku žalio na Odluku o izboru najpovoljnijeg ponuđača kojom je njegova ponuda ocijenjena neprihvatljivom, odnosno da nema drugorangiranog ponuđača u postupku javne nabavke donesena je ožalbena odluka o poništenju postupka javne nabavke u skladu sa članom 69. stav (2) tačka d) Zakona o javnim nabavkama.

Žalilac je na predmetnu odluku o poništenju postupka javne nabavke dostavio žalbu od 27.8.2025. godine, koja je zaprimljena od ugovornog organa 28.8.2025. godine.

Ugovorni organ je u skladu sa članom 100. stav (1) Zakona prije razmatranja žalbe utvrđivao njenu blagovremenost, dopuštenost, urednost, da li je izjavljena od ovlašćenog lica i od lica koje ima aktivnu legitimaciju. U vezi navedenog je konstatovao da je žalilac ožalbenu odluku zaprimio dana

Ivana Franje Jukića 2, 78000 Banja Luka
Tel: + 387 51 340 170
Fax: + 387 51 340 180



IDDEEA

Ивана Франје Јукића 2, 78000 Бања Лука
Тел: + 387 51 340 170
Факс: + 387 51 340 180



21.8.2025. godine prema podacima sa web stranice Global Package Tracking (<https://parcelsapp.com/en/tracking/EE%2063%20412%20018%200%20BA>), te je žalbu lično dostavio dana 28.8.2025. godine na pisarnicu ugovornog organa, uz koju je dostavio dokaz o plaćenju naknadi za pokretanje žalbenog postupka. Žalba je izjavljena od strane izvršnog direktora Grupe ponuđača. Cijeneći navedeno ugovorni organ je utvrdio da je žalba dopuštena, blagovremena, uredna, izjavljena od ovlaštenog lica i lica koje ima aktivnu legitimaciju.

Ugovorni organ je potom razmatrao žalbeni zahtjev žalioca za preispitivanje ožalbene odluke, s obzirom da istu cijeni neopravdanom i nesrazmjernom. Kako bi dokazao osnovanost svojih navoda, žalilac je uz žalbu dostavio Tehničko pojašnjenje – razlog preusmjeravanja pošiljke u neželjenu poštu u kojem stoji da žalilac već dugi niz godina koristi elektronski faks sistem, koji pretvara dolazne faksove u elektronski oblik. Pregledom logova i elektronske pošte, poruka upućena od strane ugovornog organa sa odlukom je zaista zaprimljena 31.7.2025. godine, ali zbog automatizovanih podešavanja odmah je klasifikovana kao „junk“. Zaključak tehničkog pojašnjenja je da do preusmjeravanja pošiljke nije došlo zbog tehničkog propusta ili nemara, već isključivo zbog strogo definisanih sigurnosnih protokola.

Ugovorni organ je razmatrao navedeno objašnjenje, te je uzeo u obzir interes i spremnost žalioca da postupi u skladu sa zahtjevima ugovornog organa, da je ova grupa ponuđača uz svoju ponudu uredno dostavila svu traženu dokumentaciju, kao i da je dostavila dokumentaciju koja se zahtijeva od izabranog ponuđača po utvrđivanju tehničke greške i propusta koji je nastao. Rukovodstvo ugovornog organa je cijeno da je u pitanju postupak po kojem se obezbjeđuje roba koja je namijenjena za postupanje u vezi sa pravima građana Bosne i Hercegovine, a koja zadovoljava sve tehničke specifikacije definisane Tenderskom dokumentacijom.

Imajući u vidu sve prethodno navedeno, a na osnovu člana 100. stav (4) Zakona o javnim nabavkama odlučeno je kao u dispozitivu ovog rješenja.

Ugovorni organ će po donošenju ovog rješenja u skladu sa članom 108. stav (7) Zakona o javnim nabavkama preduzeti dalje radnje u vezi sa povratom uplaćene naknade za pokretanje žalbenog postupka.

S obzirom da ovo rješenje sadrži odluku o stavljanju van snage odluke o poništenju postupka i odluku o izboru najpovoljnijeg ponuđača, isto će biti objavljeno na web stranici ugovornog organa u okviru podmenija odluka o poništenju i odluka o izboru u skladu sa članom 3. Zakona o javnim nabavkama.

Pouka o pravnom lijeku: Protiv ovog rješenja može se izjaviti žalba Kancelariji za razmatranje žalbi Bosne i Hercegovine, putem ugovornog organa, u pisanoj formi direktno ili preporučenom poštanskom pošiljkom. Žalba se može podnijeti u roku od 10 dana od dana prijema ovog rješenja i podnosi se u dovoljnom broju primjeraka, a koji ne može biti manji od tri (3).


DIREKTOR
Prof. dr. Almir Badnjević
Дигитално потписано / Digitally signed / digitally signed

Dostaviti:

- Grupi ponuđača Cetus d.d. Celje, R. Slovenija i Decom d.o.o. Sarajevo, BiH,
- na objavljivanje na web stranici Agencije,
- u spis predmeta.